

重修威縣志

第叁册

威縣志卷四

戶口志 戶口總數 男數 女數 生率 死率 遷徙 比較 人口
方里比較 人口稅畝比較 氏族 遷徙出入概略

古者夫家稽諸司徒生齒登於天府近世各國復有戶籍法皆所以調查戶口多寡者願同一調查戶口吾國重者在民泰西重者在國以國爲主勢必以民爲客美其名民爲國之要素攷其實正斯賓塞爾所謂民同國之奴隸耳編戶計口不謀生聚教訓急急焉惟徵兵課稅是圖民滋困矣夫豈仁人君子之存心乎今叙戶口之數并論列其出入遷徙概略續通攷所謂即民之盈耗見世之盛衰者稍具崖略於斯關心民政者庶有所采覽焉

歷代戶口略表

後漢	晉	宋	北	魏	隋	唐	宋	金	元
鉅鹿郡安平國	安平國	廣宗郡	清河郡	魏州	大名府	廣平路			
<small>太守原</small>	<small>東平郡</small>	<small>魏郡</small>	<small>魏州</small>	<small>大名府</small>	<small>防州上</small>	<small>平郡廣</small>			

十五城	戶十萬	九千五	百一十	七口六	十萬二	千九十	六	後漢書	郡國志
八縣	戶二萬	一千	晉書	地理志					
八縣	戶五千	九百一	十三口	二萬九	千二百	六十七	宋書	州郡志	
三縣	戶一萬	三千二	百六十	二口五	萬五千	八百九	魏書	地形志	
六縣	戶一萬	三千九	百二十	九口四	萬四百	三	魏書	地形志	
十四縣	戶三十	萬六千	五百四	十四	隋書	地理志			
縣九	戶一	萬七	千七	百一	口九	十九	天寶	戶十	地理志
縣四十	戶十	五萬	一千	五百	九百	六十	萬一	十萬	九千
十二縣	戶一十	五萬五	千二百	五十三	口五十	六萬八	千九百	七十六	宋史
九縣	戶七萬	三千七	十	金史	地理志				
司一縣五州 二州領縣六	戶四萬一千	四百四十六	口六萬九千	八十二	元史	地理志			

按後漢鉅鹿郡十五城戶口數廣宗居其一晉安平國八縣戶數廣宗及經縣各居其一宋平原太守所領八縣戶口數廣宗居其一魏廣平郡三縣戶口數廣宗及經縣各居其一東平原郡六縣戶口數廣宗居其一隋清河郡十四縣戶數宗城及經城各居其一唐貝州九縣戶口數及天寶戶口數宗城及經城各居其一魏州魏郡十四縣戶口數宗城居其一宋大名府魏郡十二縣戶口數宗城居其一金洺州上防禦廣平郡九縣戶數宗城洺水各居其一元廣平路領司一縣五州二廣平府志州領縣六戶口數威州居其一歷代戶口數略可攷見者如此

明代戶口略表

洪武	成化	嘉靖元年	嘉靖二十一年	萬曆三十一年
廣平府志	舊志	舊志	舊志	舊志
戶一千二百	戶一千二百五十丁 九千九百九十六	戶一千九百四十丁 萬五千二百四十	戶一千九百一十四丁 一萬五千三百一十	戶二千一百五十七丁 三萬七百二十六

按洪武十四年創編賦役黃冊以一百一十戶爲一里威縣編戶十里故戶一千一百

又按威舊屬廣平府宏治四年府領九縣戶二萬七千七百六十四口二十一萬二千八百四十六萬歷六年戶三萬一千四百二十口二十六萬四千八百九十六威縣戶口亦在其中上表旣單列威縣戶口故此總數不列表內特附誌於此清初威境人丁三萬八千七百七十七康熙五十兩年編審新增人丁除頂補老亡外增新丁口千二百二十五實在下人丁四萬餘豁免及行差兩項共三萬九千六百九十二丁又山西瀋陽衛屯丁順治十六年歸併本縣一千四百一十丁康熙五十兩年編審屯丁一千五百六十九見於舊志者大略如此舊志自康熙十二年至今二百餘年殘缺不可復辨大約爾時人口在四萬以上五萬以下據賦役全書所載原額人丁三萬一千六百一十六實在人丁四萬二千七百五十三實在行差人丁四萬一千五百七十三額外屯丁一千七百二十五與舊志所載不甚相遠至光緒初年戶則一萬六千六百二十六口則七萬六千一百九十九

年戶則一萬六千七百九十八口則七萬七千零五十八

縣册廣平府志

民國十二年戶則

三萬五千九百口則十六萬八千七百六十八人

保衛團調查戶口册

按泰西統計學發達最盛編造戶籍猶屬大量觀察矧在吾國吾國戶籍往往與實數不符又何足怪然攷厥原因大概有六一曰預防厚斂遼史能吏傳曰馬人望爲三司度支判官會檢戶口未兩旬而畢同知留守蕭保先怪而問之人望曰民戶若括之無遺他日必長厚斂之弊大率十得六七足矣此雖出於萬不得已之苦衷而名實不符亦不得謂此非一種原因也二曰避現徭役明惠帝十四年命天下郡縣編賦役黃册後二十三年戶部奏重造黃册謂上中下三等入戶亦依原定編類不許更改分析以避差徭按欲避差徭非出匿報卽出逃亡名册之人數與實在之人數兩相懸殊安能悉合此種情形載在史册固數見不鮮者三曰妄增數目漢膠東相王成僞造戶口近世選舉議員亦多僞造戶口前者利在謬膺懋賞後者利在增多被選人數事不同而作僞則同此真奇異之現象矣四曰經費過巨日本某學者謂今日經濟社會之變動爲最激時代若欲知人口精

密之數自當時時調查特需欸甚巨舉行匪易故日本五年調查一次德國亦五年調查一次美國則十年調查一次吾國亦然如順治五年令三年一編審十三年又定五年一編審準此類推其不克時時調查可知矣五曰官吏搪塞續通攷序云史志所載或當承平之時而戶口反減際兵燹之後而戶口反增則由有司編冊未能覈實云云此又古今通病而現代不免者也六曰人民漠視大都人口之調查在國家視爲重要關係在人民漠然置之者有之故各國定有罰金制美國凡不受調查者罰金百打拉英則罰金五鎊比則罰金百弗朗克奧則罰金二十弗朗克彼各國民富於政治思想猶且如此况政治思想未發達者乎以上六者惟官吏搪塞及人民漠視兩種尤爲易犯現在新政日增月盛地方自治實爲當務之急苟調查戶口不實事求是舉凡興利除弊諸大端悉不克見之施行雖施行亦無大效又何以達自治之標的司土者固不當視等具文而境內公民亦宜同負責任大加整頓也

又按吾國戶籍有每年增加傾向原因有二一人口增加二風習變遷前者不待

言後者實歐化鼓盪所致蓋東亞以家族為單位歐洲以個人為單位兩相接觸

個人單位說挾權利思想膨脹之力日益發達而家族單位說遂相形見絀有不

得不漸次改變之勢故近人分家族為四種一大家族制度即宗法社會二服制家族

制度即以服制為限有五世同居者三小家族制度即以個人為本位與其父母及四極端個

人制度即斯巴達制度凡人生子不得私有由國家教養較商鞅治秦令民二男以上不分異者倍其賦尤為酷刻第一第四兩種均

過去陳迹第二種亦非甚宜惟第三種乃社會大多數之所趨夫以大家族分為

若干小家族戶籍增加可知矣又自歷史觀之晉書地理志安平國所統八縣戶

二萬一千宋書州郡志平原太守所統八縣戶五千九百一十三魏書地形志廣

宗郡所統三縣戶一萬三千二百六十二東平原郡所統六縣戶一萬三千九百

二十九舊唐書地理志貝州所統九縣戶一萬七千七百一十九見上表而清光緒

間威一縣戶數初年戶一萬六千七百九十八已足與前代數縣相伯仲且或

過之又何怪與今時戶數較懸殊若是甚乎然則戶籍增加固勢所必至者此亦

談方志者所不可不知者也

又接近世分別人口之成分以二十歲以上六十歲以下爲生產人口以十五至二十及六十歲爲半生產人口以十五歲以下六十歲以上爲不生產人口就各國人口大略觀之日本不生產人口百分之四十三強生產人口百分之四十八強半生產人口百分之八強歐洲諸國不生產人口百分之四十一強生產人口百分之五十強半生產人口百分之八強美國不生產人口百分之五十二強生產人口百分之四十三強半生產人口百分之四強生產人口最多者歐洲日本次之美國生產人口不如不生產者之衆今威屬不生產及半生產者無從查悉第就生產者一方計之如保衛團第一區男丁一萬八千八百四十六人壯丁約七千三百一十九亦在百分之四十左右與各國大略相同惜各區調查不能一律全記數目故無從統計全縣耳

又按歐洲意國號稱貧國以無職業之民達三分之一故也又職業中農業似較尤重日本某學者謂國民半數能產出飲食料者最爲適宜今威民職業農最多商次之工又次之無職業者最少至是否半數能產出飲食料無從計算緣保衛

團調查職業以戶計非以口計也

右戶口總數

男數表

一區	男	一萬八千八百四十六人	民
二區	男	九千八百零一人	國
三區	男	八千八百四十四人	十
四區	男	一萬九千三百七十六人	二
五區	男	一萬七千三百二十四人	年
六區	男	一萬五千六百七十五人	調
男數總計		八萬九千八百六十六人	查

按上表係保衛團調查各區之男數

女數表

右男數

一區	女	一萬六千四百零四人	民
二區	女	八千八百零三人	國
三區	女	七千一百三十一人	十
四區	女	一萬七千三百八十九人	二
五區	女	一萬五千二百八十人	年
六區	女	一萬三千八百九十五人	調
女數總計		七萬八千九百零二人	查

按上表係保衛團調查各區之女數

又按統計學者嘗主倡男女數平均說認為男女平均法則揆之事實多不盡然

大概就生產數言男多於女就生產後之數言已進化國女多於男未進化國男多於女前者事業發達一切勞動強半男子任之且多危險如戰陣鏖業等是故男數不使然歟

右女數

生 數 比 較 略 表			
口人多增	數年過經	年一十二靖嘉	年元靖嘉
口十七	一二年十	一千一萬五千	四千二百五十
口人多增	數年過經	年十三曆萬	年一十二靖嘉
口一千一十四萬六千五百	五五年十	六百三萬七千	一千三百五十
口人多增	數年過經	年九十緒光	年初緒光
口八百九十五	年十九	七千零七十五	口九千七百六十九
口人多增	數年過經	年二十國民	年九十緒光
口一千九百一十	年三十	八百八十六萬七千	口七千零七十八

按馬爾薩斯謂苟無障礙人口二十五年增加一倍學者每有駁論然生死率雖精調查者猶難密合况統計未甚發達者乎今自明嘉靖初至民國十二年約略誌其梗概均與馬氏說不甚相符雖統計未能精詳馬氏云云恐亦未為確論也

右生死率

人口方里比較表

方里	人口	時代
三三三五方 千百十里	九九九六 千百十	成化
全	一三五一 十百千萬	嘉靖元年
全	一三五一 十百千萬	嘉靖二十一年
全	十百零三 六二七萬	萬曆三十一年
全	七七八三 十百千萬	清初
全	九六一七 十百千萬	光緒初年
全	十零六七 八五千萬	光緒十九年
全	十百千萬 八六七八	民國二十年

每方里人數

弱	人	三
強	人	四
強	人	四
強	人	九
強	人	十
強	人	十二
強	人	十二
強	人	十五

按世震駭馬爾薩斯人口論人滿之患幾成普通名詞遂生種種主張擇種留良之說萬不可行法國二兒制亦斷非所宜惟斯賓塞爾謂人用腦力既多則生育力必減確有至理亦聽其自然而已吾國號稱人多今以威屬人口方里計之似未過盛彼颯颯然慮者奚爲也

又按斯瓜斯堡虛德斯達侯國三百六十三英方里人口九萬三千零五十九每英方里人口約二百五十餘名斯瓜斯堡孫德厚森侯國三百三十三英方里人口八萬零八百九十八每英方里人口約二百四十餘名以上德意志聯邦名爲一國僅與吾威一縣相伯仲而文化實力竟儕等列強反觀吾威奄奄如無氣息豈果人民土地不及耶抑不力求自振使然耶

右人口與方里比較

人口稅畝比較表

時 代	人 口	稅 畝	每 人 每 畝 數
嘉 靖	一 萬 五 千 二 百 四 十	七 千 三 百 七 十 四 頃 七 分 五 厘	四 十 八
萬 曆	三 萬 七 千 二 百 六 十	六 千 六 百 七 十 八 頃 九 十 九 畝	二 十 一
清 初	三 萬 八 千 七 百 七 十 七	六 千 六 百 七 十 九 頃 五 十 畝	十 七 畝
光 緒	七 萬 六 千 一 百 九 十 九	八 千 二 百 一 十 五 頃 五 畝 六 分	十 畝
民 國	十 六 萬 八 千 七 百 六 十 八	八 千 二 百 一 十 五 頃 五 畝 六 分	四 畝

按清會典乾隆間全國稅畝約七百八萬千七百四十二頃八十八畝以供給全國人不足如彼今威屬稅畝八千二百十五頃五畝六分以供給全縣人不足又

如此就令全境農田悉栽食品物仍難敷用况棉花之種植富家之貯藏居奇者之收買經種種縮減不惟數少且致價昂平時且無以維持萬一稍有水旱威民生計猶堪設想乎吾願司土者與講自治者通盤籌算或有以善其後也

右人口與稅畝比較

本境大姓舊推潘氏北史潘樂傳云樂字相貴本廣宗大族迨至李唐而潘師正潘好禮猶各有列傳炳彪簡冊門閥之盛罕有其匹然世代遙遙里居已不可考元之劉氏明之賈氏王氏當時何嘗不數歷中外奕葉貂蟬乃自戊寅浩劫碧血橫飛一城老幼悉化盡沙賈王子孫僅存噍類劉氏舊傳居公孫磬今亦滄桑陵谷物換星移求所謂公孫磬者已不知爲何鄉何里况其子孫乎况其譜牒乎今之彰彰可攷者唯有兩范氏而已一爲范家營范氏一爲章臺范氏二氏皆云出自劉累自晉土會食采於范因以爲氏焉范家營范氏宋宰相魯國公范質之後爲本境土著自質至今凡三十二世章臺范氏宋宰相諡文正范仲淹之後其先本吳人明初有名大老者移居本境自仲淹至今凡三十世

鄉土志

按吳氏以北人不講譜牒學故撰深州風土記另列人譜一門其記載可謂詳博矣然續通志謂三代而上男子稱氏女子繫姓姓氏分而難稽其制不得不詳自封建罷為郡縣氏族統合於姓而易識史官之牒亦略觀此則氏族祇可家自為譜如隋唐而上家有譜系見通志氏族略或另輯專書不必方志中特立一門以示提倡徒增長社會階級如通志謂以繩天下使貴有常尊賤有等威又謂貴者有氏賤者有名無氏此在專制時代已非正訓民國則益無謂矣人情攀援之弊習如唐人好聯宗之類茲將氏族附輿地志中不另標一類略存舊志之遺且示方志中無特書之必要也

右氏族

古今數千年限制出入特別現象綜括言之大概可分為二一限制外出特別現象如太古老死不相往來老子道及周時死徙無出鄉孟子是也一限制內入特別現象如漢儀注民年二十三為正年五十六乃免為庶民就田里是也漢儀注民年二十三為正一歲為衛士一歲為材官騎士習射御馳戰陣年五十六乃免為庶民就田里則知漢初民前在官三十有三年也景帝更為異制令男子年二十始傅則在官三十有六年矣前者為習慣所限制後者為法令所限制厥後交通便而習慣移朝代改而法令變雖

無憲法保障幾等遷徙之自由矣當是時出入情形可攷見者出之事實有四而入

之事實有三云何為四一河患見新宗城縣三清殿碑記及龍王廟碑二兵燹宜參兵三年荒歷代荒旱以民

國九年為甚四風氣近世風氣大都外出者日多兵與備為最學者次之仕云何為三一

移民如由山西洪洞縣及江蘇浙江山東等省遷來者二流寓編籍如嘉靖四十四年九月令三屯丁歸併

如康熙五十年編審屯丁一千五百六十九準斯以談欲定某戶某姓確為土著大非易事特既移入威

境有住所所有居所數傳而後非土著亦土著耳

接近世調查戶口其法有三一調查現員二調查住員三調查籍員日本某學者

謂三者現員尤當注意現員者即調查時現在之人民也此又分三一常時現員

二一時現員三暫時現員觀此調查方法即可知遷徙無常與太古為習慣所拘

囿及漢時為法令所束縛者迥不相同區區一縣戶口亦可以覘世變焉

右遷徙出入概略

威縣戶口編查暫行條例

第一條 戶口編查按保衛團區域依本條例之規定辦理

第二條 編查區域內住戶按村分編甲牌以十戶爲一牌十牌爲一甲每村不足一甲者以村副兼充甲長依甲牌號數按戶訂立門牌（門牌號如稱某縣第幾區某村第幾甲第幾牌第幾戶是）其十戶之外有零數在六戶以上者得自成牌五戶以下併入鄰牌十牌之外有零數亦同

第三條 每牌十戶須連環互保如知牌中戶口有爲匪及煙賭情形而不舉發者則連坐其罪倘一牌及一戶中有素行不正或形跡可疑之戶及人同牌各戶不肯具保者即將該戶或該人於戶口冊後註明戶曰另戶人曰另口由甲長協同村正副隨時防範稽查另口並責該戶主管束如能改過自新再將另口名目取銷

第四條 左列各款事項須另行編號准照本條例規則辦理但不入甲牌

（一）寺廟僧道

（二）公署監獄學校工廠及其他公共處所

造具前項各款清冊時於冊後統計寺廟僧道祇須總計其戶數男女口數及受

徒刑以上之處分與素行不正形跡可疑者公共住所祇須總計其處數人數

第五條 戶口編查由縣知事直接監督由各區團總爲編查長督率保董街村正副執行

(一)清查由牌長執行之

(二)覆查由村正副及甲長執行之

(三)抽查由編查長執行之

第六條 編查戶口事項查照戶口編查表及填表說明辦理(附有填表說明)

第七條 每年定於春節後六日起即舊歷正月六日由街村正副督同各甲長牌長實行

編查

第八條 自編查之日起限於十日內編定本年本村戶口表及本村戶口總表(兩表另有定式)

第九條 本村戶口表及村戶口總表限二十日內繕訂成冊由街村正保管

第十條 依街村戶口表照樣另繕一份彙訂成冊限陽歷三月二十日以前送由

該管區團總查核保管

第十一條 戶口總冊未經送區以前得由街村正覆查或經戶主聲明編查有錯誤或遺漏經村正審核屬實者即時更正

第十二條 村戶口總冊既經送區以後團總於十五日內分別抽查

第十三條 團總抽查後限於十日內彙造區屬戶口總表（區表另有定式）呈由縣知事備查

第十四條 區戶口總表報縣後即由知事按照區表彙造縣屬戶口總表（縣表另有定式）限於陽歷四月初間分報省道公署

第十五條 凡民戶有不受編查或任意隱匿者得由街村正副呈明團總酌處一元以上五元以下之罰金留村公用若牌甲長村正副扶同隱匿不切實編查者得由團總查明情由呈請知事分別核辦

第十六條 如有妨害編查者得由街村正副報告該管區團總處十日以下五日以上之勞役（如修理街道栽種樹木之類）或五元以上十元以下之罰金撥歸

該村公用但須將受罰人姓名及勞役日期或罰金之數目報明縣署查核

第十七條 辦理編查各人員如有不法情事經告發或覺察屬實者由縣知事按情節輕重依法處治

第十八條 自編查完竣之日起嗣後各戶遇有遷徙及生死婚嫁承繼往來等情事限五日以內責令戶主向牌長開單報明遞次轉報甲長村正副編查長按月報告縣知事並均各將保存底冊逐一增改

如以上各事戶主逾限不報時由牌長查明轉報

第十九條 編查表第一次由縣籌款印發嗣後每屆應需表冊由各該區團總招徠轉商照式刊印以備各村正副自行購用其費由村公費內支付之

第二十條 本條例自民國十四年三月實行

戶口編查填表說明

一自立爲一戶的不拘人口多少均可列爲一戶一院內住數戶的以數戶計算同父的兄弟無論父存在與否但已經分家的應各列一戶卽按村編爲第幾甲第

幾牌第幾戶

二每戶各占一表要是人口衆多一表內填不下的還可接續多填數張但註明某戶第幾頁

三戶內不論男女都叫做口填口數時連戶主計算養子是養父戶內的口贅婿是女父戶內的口

四戶主 戶主一定是以同居親屬最尊長的人承當兄弟同居的以兄爲戶主如是家無男丁或有男丁尙未成年就該以婦女中最尊長的人爲戶主

五親屬 凡戶主家內所有的人如祖母母妻女姐妹弟姪子孫以及弟婦子媳等均填入表內親屬一格並先於上一小格註明稱呼但姊妹女子已嫁者不用填入

六同居 凡親屬以外的人如戶主之姻戚或是同族或是朋友因失了戶籍相依度日者(未失戶而暫住者不算)都填入同居一格並先於上一小格註明關係(如姻戚或同族或朋友之類)

七姓名 專填姓名不許用別號戶主更不許以堂名或公共名稱亂填但婦人可
以某某氏代之(如王家之婦姓李即填王李氏)女子必須寫名

八住居年數 以落戶之年起算如居住在三十年以上的可寫世居兩字

九職業 須將所作事業分別填明如務農即寫務農經商即寫經商當教習即寫
當教習餘可類推無職業的即填一無字

十宗教 須將所奉的宗教種類或天主或耶穌或回教等分別填明如未入他教
的即填孔教

十一教育程度 指曾讀書及在何種學校學業或畢業而言舊有科名者得寫其
科名

十二廢疾 即是瞎子啞子瘋子及其他廢疾應分別填注

十三其他事項 如編查時戶內有出外的人即應指明所往地方及事由如受刑
事處分或行爲不正形跡可疑及爲匪或吸販煙丹均須填入此欄

十四共計 共計一欄只計算戶主及親屬同居兩項人口此外如傭工口數不許

風 縣 志
計算在內

十五內計欄內的學童女童就是指七歲以上十五歲以下的男女兒童而言壯丁就是指十八歲以上四十五歲以下的人而言

十六傭工 爲奴爲僕爲僱工均須於上一小格註明但僱工在九個月以上者方可填入零星短工可以不填

十七編填成表後須於共計一欄按照所列款項分別總計各項口數

威縣志卷五

宦績志 名宦 歷任惠政 官制表 職官表

縣者一地方行政區域也有官治有自治兩者相反而實相成是在良有司矣吾觀世人常情當世多計較貴賤異世又計較賢否熊勉菴有言做官想到去之日做人想到死之日更當留一二好事與人間彼官吏者設早易其計較貴賤之心爲計較賢否之心興民利除民害好惡之事與共彼此之情不隔生時頌聲載道沒後遺愛在人矣然則名宦祠之設雖報功之標志豈非獎善之良策歟今詮次宦績分爲二目一名宦二歷任惠政其無事績可紀者僅表中列其姓名亦史法也

名宦

田郁保定人延祐元年知威州事時州轄洺水井陘兩縣公下車裁斷撫綏咸得其體盜賊息詞訟簡田野闢賦役平時時安慰諸軍家屬使不逃亡復修葺諸祠廟官署學校養濟院下至馬蹄早楹悉易其舊尤善治疑獄片言得情俾無冤抑廣平路

總管府判官趙承直移牒本路境內官紳王友直宋禧等二十四人耆老韓裕張彬等三十三人以狀上各大吏先後頌揚德政不已郁吏績卓著上下交孚如此及解

印州民不忘惠政乃羣謀勒石以誌去思云今祀名宦

王思廉撰去思碑記廣平府志舊志

按陳承祚三國志載龐士元以從事守耒陽令在縣不治免官吳將魯肅遺先主書曰龐士元非百里才也使處治中別駕之任始當展其驥足耳今田公之治威也判官趙承直謂公理民有法處事無偏是知大體也田侯去思碑又謂公以醫者人之司命恐人妄投藥餌每朔望命教官講授內經是小事不忽也吾不知田公才與龐士元何若以吏治論誠加人一等矣

右元知州一人

王閏

廣平府志作王潤

山西介休進士正統十一年知威縣事時歲凶民多流徙兼瀋陽衛

屯軍錯居擾民閏撫綏有方量請移屯別部民卒獲安養焉今祀名宦

廣平府志舊志

按兵士殃民一縣令誠無如之何然職在牧民坐視民之疾苦而不救是兵士殃民卽縣令殃民也况山西瀋陽衛十八營除戍衛軍外所留屯丁不下千數百人

顧亭林所謂軍戍於衛而留餘丁於屯者也屯田在威與客軍暫駐者不同安能悉遣諸境外乃王公卒量移別部俾勿相擾其不畏強禦氣節誠可風其雅善調度才略尤難及也

閻紹山東曹州監生成化十三年任德威並用教養兼施以廉能稱奔父喪僚友追

送賻金悉却不受士林高之陞陝州知州今祀名宦

廣平府志舊志

按舊志稱閻公德威並用殆古人寬猛相濟之法可謂善矣二者不可得兼與其過猛毋寧過寬俄國克魯泡特金英國羅素均極力反對刑罰制度吾國近世講文化者亦然吾觀班氏漢書列傳第五十九曰循吏第六十曰酷吏薰蕕顯然昭昭在人耳目吾不知爲吏者其自擇果何如也

又按四庫全書法家類叙云觀於商鞅韓非諸家可以知刻薄寡恩之非又云凝矇所編闡明疑獄桂吳所錄矜慎祥刑並義取持平道資弼教觀此則猛寬二者利弊瞭然矣

許慶江南武進進士弘治五年任寬而栗勤而廉民畏士懷升太原府同知今祀名

宦 舊志

按吏德莫盛於寬寬而不勤則政廢民玩矣是故兩者相濟而後無弊吾觀漢書循吏傳論黃霸則曰獨用寬和爲名論召信臣則曰爲人勤力許令其殆兼而有之者歟

姜文魁江西進賢進士正德元年任學博行優愛民禮士不計小過升大理寺評事歷官提學副使今祀名宦 舊志

按國家設吏使養民教民非使仇民也吾觀歷代酷吏不一大都深刻者居多循吏亦不一大都含弘者居多操治民之權而挾仇民之志民何所措手足乎不計小過如姜令可謂識治體矣

錢朮字汝仲浙江海鹽進士嘉靖二年任廢墜畢舉凡所創建皆興教勵俗爲經久計纂志書立書院置射圃修名宦鄉賢等祠類此不可殫數時河北三郡賦役不均父老聞威法良使爭請朮朮奉檄徧歷旁邑內黃南和尤甚獨留經理三月二邑民並立祠祀之朮在威久故威民更深感戴云今祀名宦

畿輔通志廣平府志
舊志浙江通志

按錢大令亦以良吏而兼能吏者也舊志稱其明禮制飭法度乃先之曰學博行修縣官須用讀書人尹望山言不誣也

高自卑山西太原監生嘉靖十四年任政尙嚴明令行禁止修學宮革強橫才幹冠

諸邑故民多頌之今祀名宦

廣平府志舊志

按濟寬以猛嚴亦良吏所不廢所患者嚴而不明則殘民以逞怨聲載道矣王朗川有言昏官之害甚於貪官是故人服高令之嚴吾服高令之明

張幼安山東堂邑進士崇禎八年任舊有無名科派及俵解徵收等弊悉爲蠲之民

困以蘇著有實救窮民三事及筆疇一集今祀名宦

廣平府志舊志

按于清端親民官自省六戒中有杜私派一條嘗謂任意苛歛種種誅求乘機自利不啻爲盜取人其嚴以自勵實心爲民如此若張令者殆亦克杜私派者歟

右明知縣七人

陳璣福建莆田舉人成化十二年任威縣教諭學問醇博教率有方士多賴以成就

升國子監助教諸生肖像祀之今祀名宦

廣平府志舊志

按呂新吾著明職一書其教官職有曰官之重無如教官官之壞亦無如教官吾
威陳教諭可謂真知教官之重而克盡厥職者矣

李達河南安陽舉人正德九年任威縣教諭持身清苦教人勤懇當道屢推重之未
及擢用卒于官士子哀之爲之贊曰有爲而仕無爲而廉彼爲非爲聞風自砥今祀
名宦 舊志

按宋汪信民謂蔽得菜根則百事可做李公身爲教諭兢兢猶以清苦自持其感
化之深不言可知矣宜士子哀而贊之也

施大經江南長洲監生嘉靖中任威縣教諭敷教得體持身有法嚴約束抑奔競訛
傳罷官大經卽日就道及報至乃前任是職者人皆惜之今祀名宦 舊志

按舊志稱大經訛傳罷官卽日就道惟心中本不以一官去留爲重輕此其所以
抑奔競也記曰君子難進而易退施公有焉

右明教諭三人

歷任惠政

竇瑗字世珍遼西遼陽人天平中除廣宗太守治有清白之稱廣宗民情凶戾前後

累政咸見告訟惟瑗一人終始全潔轉中山太守加征東將軍聲譽甚美爲吏民所

懷及齊獻武王班書州郡誠約牧守令長稱瑗政績以爲勸厲焉

魏書本傳

按宋何西疇仕宜黃尉以廉潔稱提刑粵東政績尤著清陳榕門嘗輯其常言一帙爲居官者勸今竇公政績當日已班之州郡誠約書中藉資勸厲嗚呼榮哉

右北魏太守一人

王沿字聖源館陶人少治春秋真宗時知宗城縣張知白薦其才仁宗天聖間爲開

封府推官又體量河朔饑民所至不俟詔發官廩濟之

宋史本傳

按居官格言有云救荒不患無奇策只患無真心真心卽奇策也王公不俟詔卽發官廩以濟饑民誠所謂有真心者其知宗城時政績史雖無明文亦可想見焉

右宋知縣一人

張礎字可用通州人中統時知威州有婦人乘驢過市者投下官暗赤之奴引鳴鏑

射婦人墜地奴匿暗赤家礎將以其事聞暗赤懼乃出其奴論如法

元史本傳

按說苑董安于治晉陽問政于蹇老蹇老有敢於不善人之對又王朗川謂任事者當置身利害之外余謂惟能置身利害外而後乃敢於不善人彼仰長官鼻息而蹂躪小民者其亦聞張可用之風而知愧哉

沙斑古燕人大德中爲威州達魯花赤政尙嚴肅豪猾潛迹

康熙志

按深州風土記謂元史百官志路府州縣皆有達魯噶齊太祖紀十八年夏初置達魯噶齊監治郡縣清欽定元史語解達魯噶齊頭目也舊作達魯花赤

又按呂新吾明州縣之職有曰市豪集霸專刑虐民我爲治之捏空造虛起禍誣人我爲杜之聚衆黨惡主謀唆訟我爲殄之凡此皆約束豪猾法也沙斑古庶爲近之

董守思字子得藁城人天曆元年知威州辨雪冤獄人稱其能

康熙志

按辨雪冤獄是爲吏第一重要事件然何以使之無冤獄殊未易言無已其張南軒治獄之說乎其言曰矜智巧以爲聰明持姑息以容奸慝上則視大官之趨向而重輕其手下則惑胥吏之浮言而二三其心不盡其情而以威怖之不原其初

而以法繩之由是不得其平者多矣無是數者之患而深存哀矜勿喜之意其庶幾乎

王伯大涿州房山進士至正十年以參知政事出知威州有才幹德政創州治興學

校百廢俱舉訟簡民安

舊志及劉謙碑記

按歐陽永叔與人談好言吏事蘇子瞻亦以吏能自任其視飲酒賦詩不理民事固大不同矣王公以進士知威州百廢俱舉不染名士習氣豈亦聞歐蘇二公之風而起者乎

韓仲文陝西人元末知威州有惠政民懷之

舊志

按薛文清有言爲政以愛人爲本韓公有之

右元知州五人

李圓江西上高監生成化九年任持己廉謹待物公平杜私謁革侵漁頗有善政

廣平

府志
舊志

按古之傳循吏也曰親民之官以廉爲基以仁爲本今李令持己廉謹廉也待物

風 縣 志
公平仁也廉而能仁作吏之道盡是矣

方瀾福建莆田進士嘉靖元年任精明風厲人畏服之

舊志

按袁枚謂當雜坐戲謔欠伸假寐之時卽鄉城老幼毀肢折體待訴之時此種玩愒疲怠情形安得精明風厲如方令者以藥之

胡容江南婺源舉人嘉靖二十六年任明察有爲施措得體雖舒徐容與而事悉就

理民咸安之升浙江寧波府同知

廣平府志
舊志

按官吏弊習非弛緩則操切胡令反是舊志稱容長於詩文多所題詠猶想見其舒徐容與之致焉

水之文浙江鄞縣舉人嘉靖三十五年任寬仁平恕民不爲擾尤加意興學教誨不倦每與諸生論文多心得戊午科威庠獲鄉薦者三人咸謂其造就之功焉升澧州

知州

廣平府志
舊志

按文翁在蜀廣興學校選張叔等以爲之倡蜀人化之幾儕齊魯今水令加意興學觀所成就雖不克追踪文翁亦庶幾敬教勸學者矣

潘忠江南上海舉人嘉靖三十八年任性沈默寡言笑爲政不事鋪張民得以享安靜之福升順天府通判舊志

按熊勉菴有言平易便民爲政之本余謂便民二字煞是有味特非當作官日仍存一作民心恐未易領略耳吾觀民得享安靜之福吾是以知潘令之賢

王明汲河南懷慶舉人嘉靖四十五年任剛果敢爲遇事無所規避性嚴急善罵吏民莫敢欺侮升蘇州知州廣平府舊志

劉易從河南汲縣進士嘉靖四十五年任御下嚴明鬻笑不苟在任未期吏畏民懷調遵化縣歷官山東巡撫廣平府舊志

李魚化山東歷城舉人萬歷五年任才識明敏政體諳練人不能欺時號神君舊志王鈞山東濟寧舉人萬歷十八年任老成持重專務以德化民一時稱慈母邑人爲

立生祠舊志

按居官格言謂朝廷立法不可不嚴有司行法不可不恕不嚴則不足以禁天下之惡不恕則不足以通天下之情前者王劉李三令近之後者王令鈞近之

史學遷山西翼城進士萬曆二十一年任承積弊之後銳意振刷而才識復足以濟之尤嚴攘竊之禁雖值荒年狐鼠屏迹良民安堵尋調滑縣邑人爲立碑建祠後擢

監察御史

舊志

按遼史能吏傳謂治民理財決獄弭盜各有其人攷其德政雖未足與諸循良之列抑亦可謂能吏吾於史令亦云

王可相湖廣麻城舉人萬曆二十七年任性坦易爲政和平不事更張歲餘以憂去

舊志

田可井河南固始舉人萬曆廿九年任性醇誠質樸而馭吏治民不責於人情之外有長者風然性頗剛正不畏強禦時人稱其譽來不喜謗至不怒云升普安知州

舊志

趙沛山西岳陽歲貢萬曆三十三年任有平政於民而不事誇張然善廉克謹事無大小無敢忽雖無奇異豎立當道者雅推重之升鄧州知州

舊志

按荀子王制篇云馬駭輿則君子不安輿庶人駭政則君子不安位如王田趙諸令大都和平醇樸而不事誇張殆不使庶人駭政者歟

何圖四川江津舉人萬歷三十六年任政尙嚴明與人接言笑一無所苟雖久侍左右莫能揣摩意向故浸潤者不得行升六安知州卒於官威人招魂祭之今祠像存

焉

廣平府志
舊志

按王朗川言行彙纂有云凡奸猾吏胥不利無事無事則何所生釁故往往挾權術以愆諛官長遇事風生上開一孔下鑽百竅今何令獨不使左右揣摩意向可謂善於防微者

按舊志稱何令自奉儉素日惟蔬食三年惟著一袍處之裕如是誠知所謂居官爲造福之人非享福之人者也彼身爲一縣長官爲自己計爲子孫計而絕不一念及民者其亦聞此知感也乎

田大仁四川定遠舉人萬歷四十一年任豁達不事修飾遇事剛明有斷裁頗著賢聲然歷任不挈眷屬枌榆之思未嘗少置未期卽請告兩台司府莫能挽留勇退之節士林高之

舊志

按晚近仕宦往往以官爲家失官卽以失家自不得不以愛家者愛官無怪乎畢

生精力祇用之於官不用之於民也勇退如田令真可以激砭末俗矣

李宜培河南郟縣進士萬歷四十三年任渾厚精明敦崇行誼爲政識大體釐革積弊務在與民休息又雅意興賢造士人文丕振甫期調永年威人爲立生祠歷升戶

部主事

志舊

按蔡文勤公與某書云整齊風俗振起人才端在教化俗吏以此爲迂大賢以爲先務若李令興賢造士自當加俗吏一等

馮大任四川嘉定州進士天啓二年任博物洽聞性慈心愷家視邑子視民凡利害之在地方者殫力興革未周歲被奸人中傷去人咸惜之

廣平府志舊志

按湯子遺書有云任事之意常盛而弭謗之術常疎萬口騰歡之時忌者卽從中而起吾閱此吾爲馮令太息者再

王一鶚字雲翼江西萬安進士崇禎中以曲周令兩代威篆實心愛民御胥吏有法舊米豆津運所費五六千金大爲民害至累解員破產數十家有死者一鶚潛使人販糴代完以紓民困威人至今德之

廣平府志舊志

按歐陽永叔有言凡治人者不問材能設施何如但民稱便卽是良吏如王令之
潛除民害其便民爲何如者雖欲不謂之良吏不得也

張儒河南商邱舉人崇禎十三年任值歲大稔盜賊蜂起儒督率兵丁屢殲渠魁卒
使羣盜屏跡民獲安堵舊志

按漢書循吏傳中龔遂宋史循吏傳中張綸均以治盜寇聞一則化之以革其心
一則禦之以戢其燄皆所以保民也儒不知與龔遂何若庶幾張綸之流亞歟

右明知縣十九人

陳恭江南蕪湖舉人洪武四年任威縣教諭有學行舊志

邱泰福建莆田進士成化六年任威縣教諭性聰敏優于文學頗勤教誨舊志

閻嘉興河間人崇禎三年任威縣教諭博物洽聞有書厨之號性尤高潔絕不言及
阿堵物居一年不能與世俛仰遂挂冠去邑人高其品格臨行贈以詩時咸以閻夫

子目之廣平府志

李一性邢臺人崇禎十四年任威縣教諭實行醇樸待士以誠每遇艱危大事毅然

以身任之士之被其德教者至今咸思念不置

廣平府志 舊志

楊登第安肅人崇禎四年任威縣訓導寬厚有容真誠無偽視諸弟子員如家子弟

藹如也精象緯學論者謂其占驗每不爽云後升靜海教諭

舊志

孟念祖寧晉人崇禎十年任威縣訓導樸心質行矩矱端嚴誨人以孝弟為先凡齋

廡頹圯及神主敝缺者捐俸補之遇春秋祭俎豆殺核務令豐腆不肯絲毫苟諸生

束脯絕口不問焉

廣平府志 舊志

按呂叔簡有言學校非愛老憐貧之地教官是正己率物之身諸生是世道民生之賴觀此則教官關係之大可知明教諭如陳邱閻李訓導如楊孟整躬率物操持不苟可謂不忝厥職者矣

右明教諭四人訓導二人

王安寧陝西富平人崇禎八年任威縣典史質實有守不擾下民

舊志

按末吏位卑俸微最難責以有守苟操持不可問上結長官之歡下為小民之蠹

百弊層出矣質實有守如王典史真可為居下位者法

右明典史一人

袁天秩河南睢州進士順治三年任尋升山東萊州府推官天秩遇事精明狐鼠屏跡崇重學校潔己愛民及解任士民攀留携酒榼送者絡繹數十里乃共立去思碑以誌不忘

舊志

按縣令爲親民官凡行政利弊咸直接及民故欲覘縣令賢否當視民情向背薛文清曰愛民而民不親者皆愛之不至也威民攀留袁令如此賢可知矣

蘭一元松江貢生順治四年任值羣盜蜂起一元督率丁壯設法捕剿邑賴以寧士民爲建生祠調宛平縣邑人送者脫靴以誌遺愛旁縣廣宗曲周邱縣有赴京獻幛以表感德之忱者其政化所被之遠如此歷升徽州府知府雲南曲靜道

廣平府志
舊志

龍納銘漢川進士順治九年任明察廉介除豪強清盜賊革羨耗廣學額蒞任甫月百度維新升戶部主事貴州都勻府知府邑民感其惠僉議舉祀名宦云

廣平府志
舊志

按魏環溪謂古人之功或在社稷或在封疆或在匡君或在養民古人之名或在尸祝或在口碑或在文教或在史傳據此則與世之以列高榜登甲第得顯宦居

要路爲功名者異矣今藺龍兩令或捕盜賊或革羨耗功也或爲立生祠或議祀名宦名也功名固在此而不在彼

張楷浙江餘姚縣人順治中任案無留牘聽訟如神性尤廉兩袖清風在縣官中誠不多得者

舊志

按自鬻爵之制興仕宦中往往藉行政機關營商律中商行爲此貪吏所以多也張令之廉大可爲近世對症之藥

緜酉生字二酉河南安陽舉人順治十七年任時學宮久廢幾無遺址酉生力爲鼎新泮宮門牆煥然改觀月課躬親督試拔其尤者優獎以示鼓勵士多所成就爲政寬嚴互用德威並著士民至今思之

廣平府志
舊志

按高忠憲公責成州縣約有云學宮敝壞卽申詳修理境內凡有古先聖賢及祀典所載山川祠宇敝壞者即時修理完好仍要掃除潔淨關鎖祠門不得容人堆積雜物坐臥作踐四方過客瞻拜有識者常以此占州縣官之品據此則緜令修理學宮其品格亦可想見矣

馬九思字玉菴遼東貢生康熙二年任明敏有才幹吏不能欺時有奸徒相聚爲害九思察其尤者痛懲之豪強斂迹性尤廉日用飲食不累行戶去之日士民數百人送百餘里猶不忍別曰使君去矣有慟哭失聲者蓋亦賢令云

畿輔通志
志舊志

按高忠憲公責成州縣約有云惡人者良民之蠹賊蠹賊去而良民始安凡天罡地煞打行把棍之類訪其首惡重治仍藉之於官使禁其黨類一有黨類詐害良民者并其首治之馬令察奸徒之尤者而痛懲可謂能行此言者

高汝樽山東萊陽縣人康熙中任植歲歉力請賑饑全活無算復環城植柳人感其

惠比之甘棠云

畿輔通志

按陽城云撫字心勞于清端謂知撫字必從心出隨事加恤便有裨益高令力請賑饑其爲民請命眞所謂撫字從心出者甘棠遺愛非偶然也

盧豪然字傑夫江南宜興舉人明盧忠烈公象昇之從曾孫也乾隆間知威縣廉直好學承謙下問與邑人劉調贊講經衡文諄切不倦尤加意於端人正士邑風民俗熙然不變

按吳騫桃溪客話盧象昇之戰賈莊也提饑卒五千所在州郡受樞臣指閉關絕
餉鉅鹿諸生姚東照出家粟餉軍與侍左右聞師行趨往視象昇被甲立軍門次
第指揮諸將出東照叩馬請繼見期象昇解佩刀與之曰無相忘見刀如見我象
昇戰死藁水橋東照家世寶此刀豪然聞之求得於姚氏携歸刀長四尺餘無鞘
蓋距解贈時已百餘載矣寒光瑩澈凜凜有生氣見者多爲之太息以名臣之裔
作名吏乃復於仕宦所至求得先人遺物亦一佳話也

李能發字書耕湖北綏溪人乾隆三十一年任有政聲性喜文士尤好搜羅前賢遺
跡與邑人劉侃採綴王建極高凌雲王建衡詩輯而成帙名曰洛陽遺稿自爲序而
刊之其風標不俗如此

按微顯闡幽文人責也賢令尹爲此則其力尤易而其效尤大矣吾國千數百縣
安所得如李令者在在提倡風雅乎

羅宗元四川新都人乾隆五十五年任工書善詩邑人和淦者名孝廉也宗元尤傾
襟禮之淦和宗元退思亭詩有云君如言子化我慕滅明賢其吏治概可想見云

按孔門諸賢一行作吏靡不下賢禮士子游宰武城子賤宰單父可見也宗元豈聞風而起者乎

陳念祖字修園福建長樂進士嘉慶十九年任有政聲至今邑中故老猶能稱述之尤精醫著有醫書三十六種行世

按世謂美國盧斯福在雜誌社中秉筆化導之功較在總統位時尤大陳令篆威政績固有可觀矣乃所著醫書流傳更廣甚矣著述功效之普也

丁履端字希占江南常州舉人嘉慶中自雞澤調威縣威界山左民多健訟某甲爲牛踢傷足誣養牛者聚毆久不決履端至一訊而服李乙父死兩月控爲族人所毆履端曰父仇何事胡不卽訴使檢驗無實恐爾不能當其罪也乙悔謝去夏淫雨不止河水漫溢灌田廬無算履端極籌堵築親勘戶口爲請發賑邑有義學久廢捐俸葺之暇輒親造講課生童試者遂倍於前後修道畿東感寒疾卒

亦有生齊集

按呂舍人官箴有云處事者不以聰明爲先而以盡心爲急丁令決獄禦災造士庶可當得盡心二字

風 縣 志
曹瑾字懷璞河南河內解元道光間三次任修文廟有政聲決獄如神後知福建閩縣又擢淡水同知

按福州梁拱辰勸戒錄載曹瑾令閩時途中遇兩人爭辨執詢之其一曰頃拾五十金歸呈母母令守原地候失金者歸之適此人尋至以原金還彼反謂中尙有五十金應並歸彼曹詰失金者所失實百金乎曰然乃命得金者持所得金去謂渠失百金數與此不符此乃他人所失汝姑取之復語失金者曰汝所失百金少頃當有人送還俟之可也途中圍觀者咸稱快其斷獄明決類如此

蕭德宣字春田湖北漢陽進士道光十五年任有政聲著有蟲鳥吟兩卷

按邑人相傳蕭令任威值大旱用董仲舒春秋繁露祈雨法以祈雨又威俗正月十五燈節有龍燈戲亦蕭篆威時遺法也所著蟲鳥吟有句云從今不敢誇廉潔袖有華山一片雲其狷介自好可以想見云

范梁字楣孫浙江錢塘進士道光二十一年任決獄如神愛民若子除姦暴省刑役利弊所在罔不周知尤加意人文捐廉課士雖窮僻亦知詩書及遷任去士民多有

攀轅臥轍者後請祀名宦

按范篆威時軼事至今邑人猶津津樂道之大概與小說中所載相仿佛蓋善政所及感人者深矣

沈溶字子泉山西太原人咸豐九年任慈惠廉明有政聲十一年山東教匪張善繼鹽臬宋景詩等作亂溶與同官治城守募勇數千分段防禦賊擁至縱火攻城溶督兵力禦砲石齊下賊立卻會大兵至合力擊之賊遁危城獲全尋擢廣平府知府

畿輔

通志

按沈力守危城厥功甚偉其詳另見兵事志

溥福字筠樵滿洲廂黃旗文生同光間三次攝威篆廉潔自持愛民如子在任前後十餘年修城池立書院建義倉善政多有可紀去任後士民爲樹碑曰民之父母以志遺愛

按縣令爲親民官欲克盡厥職莫要使久於其任漢書循吏傳所謂民知其將久不可欺罔迺服其教化是也觀溥令前後任威十餘年善政多有可紀其故可思

矣

汪丙吉字次南安徽懷甯監生光緒十年任時邑北七級堡有惡徒二十四人橫行鄉里號刀子會鄉人畏報復無敢告發者丙吉偵知之而未得其詳適堡中童生李某以他事訟堂上丙吉佯怒曰汝自命童生能文乎曰能丙吉手與一紙試諸密室中視其題則魯論聞一知十句蓋暗示以列諸惡徒姓名也李會意詳書以報是晚丙吉召快捕持票面諭之曰是皆要犯也走一人者笞汝死明日悉獲痛治之當時署內外無人知者丙吉不動聲色而巨患以除邑人咸服其能惜蒞新甫三月卽病故任所曾捐俸購畿輔通志皇清經解存於書院以惠士林

按治盜法載在經史及各家論說不勝枚數善用之皆有效不善用之則隋劉炫所謂死法耳汪令真可謂不執死法者

戚朝卿字耀三貴州修文進士光緒二十四年任戊戌變法國家改八股爲策論經義洺陽書院每月初二日官課必親臨點名談說時務聽者忘倦尤善治邑時有拳匪多人與教民構釁朝卿力爲捕滅後調署柏鄉邢臺長垣等縣升湖南長沙知府

熱河道尹民國十三年卒於任內

張道源字問渠安徽合肥人光緒二十八年任時值廣宗縣武舉景廷賓盤據件只村戕教士羅澤浦殺新軍數十人於廈頭寺鄉團無知多從之者今執政段公時爲統領一鼓而陷之廷賓夤夜潛逃邑有魚隄村砦垣頗堅段公疑廷賓匿其中擬以兵擣之道源親身赴鄉力白無他勸村人開門迎段公於是一鄉老幼得保全焉舊俗農民種草棉者雖盛開時輒行闖搶道源力革此弊與邑紳張殿英定以立冬前三日弛禁由是棉業大興公著有德政碑記其事

都林布字雲卿滿洲正藍旗人光緒三十一年任性真率無官僚氣蒞任時單騎進署絕無騶從每決獄坐堂皇上任人旁聽事畢或演講教育以代勸學赴鄉勘驗亦然又好微行遇街市無賴子必嚴治之由是一境安然後調署磁州擢奉天省知府升陶場道尹民國十二年卒於官

右清知縣二十一人

張文韜新城舉人順治中署威縣教諭博極羣書勤於化誨日與諸生講論經義考

課文藝士賴以成才者甚衆後成進士以去至今人猶思之舊志

王元鼎大興人由教習任威縣教諭端方正直言笑不苟素精春秋器宇峻嚴一時

羣彥多出其門儒林所罕見者舊志

鄭選阜平歲貢任威縣教諭悃幅無華淡泊自甘其待諸士有家人父子之風焉舊志

傅基孔字裕原靈壽拔貢雍正初任威縣教諭訓課弟子以孝弟廉讓爲先多士景

從學宮久圯基孔與張令鳳光力圖興復邑人感其意各捐輸以助數年而成殿廡

齋署一律巍煥在任二十餘年敬事勵躬始終一致俸滿將遷引年告歸舊志補志

孫胤蕃大名入任威縣訓導訓士有方與人無忤和平樂易有古君子風焉舊志

陳所學萬全左衛歲貢任威縣訓導性峭直簡易以禮訓諸生未幾以老病卒于官

士類哀之舊志

按日本乃木大將以武人而掌學習院論者謂乃木氏本身作則賢於千百册教

育學可知膺教育之責者固當以身教也右列教育訓導各官或端方正直或淡

泊自甘或和平樂易或峭直簡易類多能本身作則者嗚呼賢矣哉

右清教諭四人訓導二人

阮萬象浙江會稽人順治元年任威縣典史廉靜恬雅不以賄聞

舊志

王賢浙江會稽人順治初任威縣典史時水旱頻仍盜賊未靖賢巡緝有方懲勸有

法不逾年境內寧靜三載擢福建長樂巡檢

舊志

龔佳憲浙江仁和人康熙中任威縣典史工書能詩恂恂儒雅在任緝盜有方愛民無擾去之日行李蕭條送者擁集郊外不下數千人皆爲太息爭餽贖焉後乃立碑

以志去思

舊志

李陳錫字子周山東諸城監生光緒九年任威縣典史工書善詩時邑人尙大令廷俊自江西挂冠歸以陶淵明自况陳錫時相過從執弟子禮贈大令詩云何時邀我羲皇侶明月清風作釣徒其襟懷灑落如此

王承先號松廬安徽懷寧監生光緒十八年任威縣典史供職勤慎尤嫻文史時爲邑人排難解紛自比魯仲連云

按典史末職幾等於抱關擊柝爲貧而仕者之所爲位卑權小旣難期以有爲祿薄望輕更難責以有守乃才士文人往往厠身其中何耶豈袁簡齋所謂說學之吏毋害慕古之儒絕俗者耶北齊循吏傳載清河太守宋世良善治術及代至傾城祖道有老人曰吾年九十記三十五政君非惟善治清亦澈底今失賢君民何濟矣莫不攀轅涕泣此則職爲太守猶有恩民化民之權龔佳憲者一典史耳乃亦能感動邑人刊碑以志去思不尤足異哉

右清典史五人

按後魏光宅中原頗留意吏治及末造宰縣者多廝役士流皆恥與爲伍迄至北齊此風益甚僕射元文遙深悉厥弊奏縣令爲親民官請革其選自是循吏乃稍出官吏賢否政令得失實爲之此其常也若夫有志之士具吏才嫻吏治大都能自樹立者之所爲如宦績志所載諸人擇其尤者幾可編作州書垂爲縣譜又豈盡闢政令哉

官制表

朝	前 漢	後
地	廣 宗 國	廣 宗 縣 <small>廣宗國改為廣宗縣</small>
官	內史 治國民 中尉 掌武職 丞相 總衆官 <small>景帝五年改丞相曰相 成帝綏和元年省內史 更令相治民如郡太守 中尉如郡都尉</small>	令 萬戶以上為令秩千石至六百石 長 減萬戶為長秩五百石至三百石 丞 秩四百石至二百石 尉

漢

三老

掌教化

齋夫

職聽訟

游徼

禁盜賊

按千石至百石為長吏百石以下有斗食佐史之秩為少吏
按以上均見漢書百官公卿表

朝

地

官

朝

地

官

魏

縣 宗 廣

長 令

按三國時各職官多承漢制

晉

縣 宗 廣

主簿 長 令

按以上見晉書職官志又石趙闕

朝

北

魏

朝

地

廣宗郡

廣宗縣
經縣
武強縣

地

宗城縣

官

太守

內史

令長

按以上見魏書官氏志北齊闕

上郡 第四品

中郡 第五品

下郡 第六品

上縣 第六品

中縣 第七品

下縣 第八品

官

上上縣合屬官佐史五十四人

上中縣減上上縣五人

上下縣減上中縣五人

中上縣減上下縣六人

隋

經城縣

令長

中中縣減中上縣五人

中下縣減中中縣一人

下上縣減中下縣一人

下中縣減下上縣一人

下下縣減下中縣一人

按以上見隋書百官志

朝

地

官

宗

上州 戶滿四萬以上

中州 戶二萬以上

州

下州 不滿二萬

刺史 上州一人

別駕 上州一人

長史 上州一人下州無

按宗州於上中下三等未詳屬何等

按以上見唐書職官志

宗城縣 赤

開元十八年敕以六千戶以上為上縣三

畿

千戶以上為中縣不

經城縣 望

滿二千戶為下縣又

新舊百官志京畿外

緊

有上縣中縣中下縣

南宮縣 上

下縣四等無望緊之

自京都治所為赤京

中

旁邑為畿望緊三種

吳氏深州風土記疑

武強縣 下

歸於上縣

按以上見唐書職官志及通典又按宗城經

城均望縣

令

上縣一人

丞

上縣一人

主簿

上縣一人

尉

上縣二人中下縣各一人

按以上見唐書職官志又五代多承唐制故闕

朝

唐

地

四千戶為望三千戶

官

令

從九品

宋

朝

金

宗城縣

經城縣

赤
以上為緊二千戶以
上為上千戶以上為

中不滿千戶為中下

五百戶以下為下

按以上見文獻

通考

按宗城為畿縣

赤畿望緊上中下

地

赤次劇次

赤次劇次

二萬五千戶以上全
二萬以下
在諸京倚郭者萬戶
以上三千戶以上不
滿三千戶

洛水縣宗

赤次劇次

赤次劇次

主簿

尉

從九品

從九品

按以上見宋史職官志

官

赤

次劇

令 一人從六品
丞 一人正八品
主簿 一人正九品
尉 四人正八品
令 八正七品
丞 八正九品
主簿 八正九品
尉 八正九品

城	縣
按以上見金史百官志	
諸縣	
按以上見金史百官志	
令 一人從七品	
丞 一人正九品	
主簿 一人正九品	
尉 一人正九品	

朝	地	官
---	---	---

元	威州	達魯噶齊
	上州 萬五千戶以上	上州從四品中州正六品下州從五品
	中州 六千戶以上	上州從四品中州正五品下州從五品
	下州 六千戶以下	上州正六品中州從六品下州正七品
	按威州爲中州	上州正七品中州從七品下州正八品
	判官	
	吏目	

元	洛水縣	達魯噶齊
	上縣 六千戶以上	從六品
	中縣 二千戶以上	上縣從六品中縣正七品
	下縣 不及二千戶	下縣從七品
	井陘縣	
	按洛水縣爲中縣	
	尉	
	主簿	
	教諭	
	按以上均見元史百官志	

威縣志 卷五 三十一 北平京津印書局印

清	朝	明	朝
縣 威	地	縣 威	地
<p>知縣 一人</p> <p>教諭 一人</p> <p>訓導 一人</p> <p>典史 一人</p> <p>按以上均見清會典</p>	官	<p>知縣 一人</p> <p>縣丞 一人</p> <p>主簿 一人</p> <p>教諭 一人</p> <p>訓導 一人</p> <p>典史 一人</p> <p>按以上見明史職官志</p> <p>正七品</p> <p>正八品</p> <p>正九品</p>	官

按四庫全書史部職官類叙大旨謂前代官制周官外惟唐六典最古著述家或通是學而無所用習者少則傳者亦稀今所採錄大抵唐宋以來一曹一司舊事與儆戒訓誥之詞釐爲官制官箴二子目亦足以稽考掌故激勸官方明人所著率類州縣志書則等之自鄒吳摯甫氏深州風土記亦志書類然謂閱歲二千官大小不可勝數昔有而今無者比比雖史文闕略姓氏無可考見然使後進之士不知古有是官庸非陋乎意在主博在方志中自當首屈一指惟搜羅雖富仍祇一州一縣官制不足見創建深意况僅屬官制並無官箴資勸戒者尠迄今國體政體全屬變更古來官制強半陳迹無裨實用茲特略誌梗概不使此類全付缺如無論不得求詳亦無庸求詳也

職官表

朝

官

太

守

令

長

北魏

竇瑗

字世珍遼陽人東魏天平中除廣宗太守見魏書本傳有傳

隋

李汪

字處季廣宗令見唐書宰相表

唐

衛知全

宗城令有德政碑另詳金石志

張為

魏州人遵誨父宗城令見舊五代史張遵誨傳

後唐

孟承誨

大名人後唐中為宗城令見舊五代本傳

朝官

縣令

主簿

尉

宋真宗朝

王沿

字聖源館陶人真宗時知宗城縣見宋史本傳

仁宗朝 哲宗朝 徽宗朝

朝官

晏宣德

元祐三年為宗城令
見李公澤新宗城縣

郭長卿

元祐七年宗城令見
通志學校

牛直侯

政和三年為宗城令
見大觀聖作之碑

縣

令

丞

主

簿

尉

監

張邦桀

舊志作傑政和三年
為宗城縣尉見大觀
聖作之碑

鍾翊

舊志誤翊政和
三年為宗城縣
尉見大觀聖作
之碑

計秦符

仁宗時任宗城
尉見司馬溫公
詩集

金

朝隆正

朝安大

梁宇

安定人正
隆三年宗
城令見宗
城縣宜聖
廟碑

趙居道

正隆
中宗
城縣
丞見
宗城
縣宜
聖廟
碑

高元

歸化人正
隆元年宗
城縣主簿
見宗城縣
宜聖廟碑

王愿

正隆
初宗
城縣
尉見
宗城
縣宜
聖廟
碑

耶律德用

正隆中宗
城縣尉見
宗城宜聖
廟碑

趙居元

正隆中
宗城縣
監見宗
城縣宜
聖廟碑

周彥恭

正隆中
宗城經
鎮監見
宗城縣
宜聖廟
碑

趙天錫

冠氏人
大安末
天錫入
粟佐軍
爲洛水
酒盞見
元史本
傳

元 元	朝 官
初	鳴 達
元 初 威 州 知 州 見 元 史 天 倪 傳	州 知
武 振	知 同
耶 律 伯 堅	官 判
張 礎	判 軍
盧 廣	目 吏
中 統 三 年 權 威 州 軍 判 兼 捕 盜 官 見 元 史 本 傳	尹 縣
耶 律 伯 堅	簿 主
耶 律 伯 堅	尉
耶 律 伯 堅	諭 教

達魯
知
同
判
軍
吏
縣
主
尉
教

元 元
初
元 初 威 州 知 州 見 元 史 天 倪 傳

朝 官
中 統 三 年 權 威 州 軍 判 兼 捕 盜 官 見 元 史 本 傳

耶 律 伯 堅

至 元 中 威 州 知 州 見 通 志 按 元

大 德 朝 延

沙斑古
燕人大德
中威州達
魯噶齊見
康熙志
有傳

史良吏傳
耶律伯堅
傳中不言
知威州或
漏載歟
李 誠
至元二年
任
宋 炎
不 花
大德十一
年任舊志
田 郁

沙 的
大德十二
年任舊志
高 盤
大德十五
年任舊志

朝 祐

朝 定 泰

朝 曆 天

保定人延

祐元年任

見王思廉

去思碑有

傳

張 璧

清河人泰

定中威州

知州見康

熙志

董守思蕭伯顏

字子得藁

朔方人天

城人天曆

元年任元

史有傳

朔方人天

曆中威州

同知見楚

惟善修儒

學記

別 都 魯 丁

延祐五年

任舊志

至 順 朝

至 正 朝

納 速

兒 丁

至順初威

州同知見

楚惟善修

儒學記

張 榮

至順初威

州判官見

楚惟善修

儒學記

趙 簡

至順二年

任舊志

王伯大王偉

涿州房山 至正中任

進士至正 見通志建

十年任見 置

通志按劉

謙修署記

作王朝列

元 末

韓中文

陝西人元

未任舊志

孫德明

舊志年次

無考

那海

舊志年次

無考

劉源

威州判官

舊志年次

無考

張完澤

威州判官

舊志年次

無考

杜能擴

威州判官

舊志年次

無考

解頤正

威州吏目

李均

威州吏目

馬元泰

威州吏目

孟德謙

威州吏目

馬欽

威州吏目

以上五人

廣平府志

年次無考

蘇允中

威州主簿

達世欒

威州主簿

以上二人

舊志年次

無考

嚴潛

威州尉

楊明

威州尉

皇甫

都

李文

威州尉

素

威州尉

以上四

人廣平

府志年

次無考

宋希

威州教諭

杜德

漸威

州教諭

王再

斯威

州教諭

陳起

州教諭

宗威

州教諭

卷五 三十五 北平京津印書局印

孟元善

威州判官

舊志年次

無考

王希聖

威州教諭

崔溢

威州教諭

張處

威州教諭

郭允

威州教諭

許欽

威州教諭

郭守

威州教諭

以上十

人見廣

平府志

年次無考

朝官

知縣

縣丞

主簿

教諭

訓導

典史

明 朱恒

籍無考

洪 袁師孟

洪武

八年任

永 党理

陝西真甯監生

永樂三年任歷任太僕寺少卿

宣 程式

河南汝州

監生宣德三年任

陳恭

蕪湖舉人

洪武年任

張志

修武監生

永樂年間任

李九思

本縣

人見通志選舉表

張恕

高苑舉人

宣德年間任

成 縣 志 卷 五

三十六

北平京津印書局印

正統朝

王閏
山西介休

進士正統十一年任祀名宦

景泰朝

高晟
山東濱州

監生景泰四年任

天順朝

郭禮
山東陽穀

監生天順元年任

徐瑤
南昌儒士

正統年間任

王鏞
應州監生

正統年間任

吳信
安岳監生

天順年間任

劉安
籍無考正

統年間任

成化朝

李圓 上江高西

監生成化九年

任舊志有傳

閻縉 山東曹州

監生成化十三年

年任升陝州知

州祀名宦舊志

有傳

王政 陝西扶風

舉人成化二十年

年任

弘治朝

張溥 山東莘縣

舉人弘治元年

任

李敏 山西武鄉

監生弘治二年

任

馮敏 籍無

考

蘇貞 太原

人

以上均見舊

志按主簿成

化十八年裁

此皆成化以

前任

邱泰 莆田進士

成化年間任有

傳

張瑄 平定人

化年間任

陳璲 莆田人

成化年間任升

國子助教舊志

有傳

徐潤 聊城監生

成化年間任

鄭循 慈谿監生

成化年間任

袁理 江西南清人

成化年間任

欒廣 聊城人

化年間任

于貴 即墨人

化年間任

王英 壺關人

化年間任

張敏 河南淇縣

監生

邵成 贛生

張昇 恒縣監生

監生

岳奉 壽張監生

弘治年間任

鞠瓚 掖縣監生

弘治年間任

王緒 華陰人

舉人

裴勝 平定監生

弘治年間任

段信 合肥監生

弘治年間任

崔璋 陽武監生

弘治年間任

劉綬 山陽人

治年間任

張昇 涇陽人

治年間任

張鑑 趙城人

治年間任

成化朝 卷五 三十七 北平京津印書局印

許慶

江西南武進

進士弘治五年

任升太原府同

知祀名宦舊志

有傳

劉鎰

山東汶上

舉人弘治九年

任

李魁

山西榮河

舉人弘治十五年

年任調四川井

研縣

郝紀

山西陽曲

舉人弘治十八

年任

李原

邳州人

張憲

句容監生

羅昶

宣城吏員

宋輔

荆門監生

以上均見舊志

按縣丞弘治十

八年裁此皆弘

治以前任

弘治年間任升知州

李達

安陽舉人

弘治年任祀名

宦舊志有傳

王博

齊東人

弘治年間任

鍾文

江右人

治年間任見龍

王廟碑

張釗

祁縣監生

弘治年間任

正德朝

姜文魁 西江

進賢進士正德

元年任歷官提

學副使祀名宦

舊志有傳

于周 山東濰縣

舉人正德二年

任調邯鄲縣

崔節 陝西綏德

舉人正德五年

任

何徹 同官監生

八年任

趙本 榆林監生

林嵩 福建莆田

文善 介休人

正德年間任

倫彝 南海人

正德年間任

梁權 山東冠縣

監生正德年間

任

梁琮 濰縣人

正德年間任

王夔 蓬萊人

正德年間任

張瑀 祥符人

正德年間任

西潞城縣教諭

曹安 曹州人

正德年間任

郭珊 常德人

正德年間任

李從政 堂邑人

正德年間任

嘉靖朝

方瀾

福建莆田

進士嘉靖元年任

舊志有傳

錢朮

浙江海鹽

進士嘉靖二年任

祀名宦舊志有傳

徐道存

河南

儀封舉人嘉靖八年任

八年任

王來問

河南

鞏縣監生嘉靖十一年任

十一年任

蔣麒

江都

監生嘉靖十三年任

年任

岳奉

山東壽張

嘉靖九年任

熊垚

豐城舉人

嘉靖年間任

吳梁棟

茂名

監生嘉靖年間任

任

侯相

臨漳人

嘉靖年間任見城隍廟碑記

施大經

長洲

監生嘉靖年間任祀名宦舊志有傳

王夢陽

虞城

監生嘉靖年間任

任

王舜臣

祁門

監生嘉靖九年任

高宗嶽

滕縣

監生嘉靖年間任

張顯

鳳翔

嘉靖十八年任

邢奎

沂州

監生嘉靖年間任

程式

四生

監生嘉靖年間任

杜講

六合

監生嘉靖年間任

王志旻

霍邱

人嘉靖年間任

陳璇

新會

嘉靖年間任

劉善

平原

嘉靖年間任

劉昂

應天

嘉靖年間任

段錦

沁水

人嘉靖年間任

沈安

河南

人嘉靖十八年任

高自卑 山西

太原監生嘉靖

十四年任祀名

宦舊志有傳

胡作霖 江西

龍泉舉人嘉靖

二十一年任

徐穀 浙江

山陰

舉人嘉靖二十

二年任

胡容 江南

婺源

舉人嘉靖二十

六年任升甯波

府同知舊志有

傳

錢峰 浙江

慈谿

進士嘉靖三十

一年任

周尙友 貴溪

舉人嘉靖年間

任

劉爚 綏德

監生

嘉靖年間任

楊德乾 長壽

壽

監生嘉靖年間

任

張繼光 懷慶

慶

監生嘉靖年間

任

田同 寶豐

監生

嘉靖年間任

王組 嘉興

監生

嘉靖年間任

徐慕 臨川

監生

嘉靖年間任

張敕 汲縣

監生

嘉靖年間任

李燦然 保安

安

監生嘉靖年間

任

陳贊 泌陽

監生

嘉靖年間任

馬珪 安陸

嘉靖年間任

劉鵠 泗州

人嘉

靖年間任

黃德 館陶

人嘉

靖年間任

賈琪 鄒平

人嘉

靖年間任

耿佑 富平

人嘉

靖年間任

李萼 山東臨邑

舉人嘉靖三十二年任

水之文 江浙

鄞縣舉人嘉靖二十五年任升澧州知州
舊志有傳

潘忠 江上海

舉人嘉靖三十八年任升順天府通判
舊志有傳

王明汲 河南

懷慶舉人嘉靖四十一年任升蘇州知州
舊志有傳

劉易從 河南

汲縣進士嘉靖四十五年任歷官山東巡撫
舊志有傳

曹應昌 安化

監生嘉靖年間任

趙彬 祥符

嘉靖年間任

朱尙執 江浙

入嘉靖時任

來汝順 蕭山

入嘉靖年間任

張時希 鄞縣

入嘉靖年間任

隆慶朝

陳嘉言 西山

稷山監生隆慶元年任

元

焦冕 河南靈寶

舉人隆慶二年任

任

陸槐 河南河內

舉人隆慶二年任

楊國法 代州

監生隆慶年間任

廣平府志作

楊國清

章環 六合監生

隆慶年間任

張綱 臨清監生

隆慶年間任

于景 交河監生

隆慶年間任

李世臣 祥符

監生隆慶年間任

任

郭之屏 安邑

舉人隆慶年間任

張文憲 當塗

人隆慶年間任

陳瀛 山陰人隆慶年間任

慶年間任

萬曆朝

任宏業

山西

長治舉人萬曆三年任

三年任

李魚化

山東

歷城舉人萬曆五年任有傳

五年任有傳

崔淳

山東

州舉人升昌平州知州保定府

同知

任

任思

四川

舉人萬曆九年任升楊州府通判

判

襲勛

章邱監生

萬曆年間任

張鳳皋

遼陽

監生萬曆年間任

任

孟璧

廣寧監生

萬曆年間任

鄭三策

河間

監生萬曆年間任

任

葉宗直

蘇州

舉人萬曆年間任

任

郭汝霖

鉅野

監生萬曆年間任

任

盧如載

濰州

監生萬曆年間任

任

焦思澤

濰縣

監生萬曆年間任

任

張良心

汜水

監生萬曆年間任

任

鄭思齊

江浙

縉雲監生萬曆年間任

年間任

盧槐

清陽人萬曆年間任

歷年間任

汪汝仁

葵源

人萬曆年間任

劉士壯

高唐

人萬曆十二年任

任

萬世輔

蕪湖

人萬曆年間任

錢子英

龍游

人萬曆年間任

宋守經 始固

選貢萬歷十一年任升泰安州

州

封大國 萬歷

十二年任見通志

志

王鈞 山東濟寧

舉人萬歷十八年任

年任

馬一田 山西

安邑舉人萬歷十八年任

十八年任

張應蟾 山東

黃縣舉人萬歷十九年任

十九年任

史學遷 西山

翼城進士萬歷

趙存豫 柳州

舉人萬歷年間任升深澤知縣

任升深澤知縣

張尙策 濟源

監生萬歷年間任

任

柳邦靖 欒城

監生萬歷年間任

任

謝文綬 雲南

舉人萬歷年間任

任

朱夢賢 江晉

舉人萬歷年間任升益陽知縣

任升益陽知縣

辛詔 順天

萬歷年間任升新安知州

周時泰 內黃

監生萬歷十九年任

年任

侯世奇 武定

監生萬歷年間任

任

金時大 涿州

監生萬歷年間任

任

楊亨 通州

萬歷年間任

任

范登雲 懷柔

監生萬歷年間任

任

孫汝袞 德綏

監生萬歷年間任

方重興 莆田

人萬歷年間任

人萬歷年間任

楊同位 泰興

人萬歷年間任

任

費應奎 慈谿

人萬歷年間任

任

馮顯哲 新水

人萬歷年間任

任

王萃 合肥

歷年間任

任

羅梅春 長甯

人萬歷三十八年任

二十一年任歷
官監察御史有
傳

馮應元 江
南

東流舉人萬歷

二十三年任

王可相 湖
廣

麻城舉人萬歷

二十七年任有

傳

田可井 河
南

固始舉人萬歷

二十九年任升

普安知州有傳

趙沛 山
西

岳陽

歲貢萬歷三十

三年任升鄂州

知州

殷潤 長
垣人

萬歷年間任

劉述祖 陳
留

舉人萬歷年間

任登庚戌進士

後擢監察御史

高等 潯
州

監生

劉元濟 全
州

人萬歷年間任

升湖廣臨武知

縣

王履亨 華
陽

舉人萬歷年間

任

喬彭年 崑
崙

監生萬歷年間

任

侯金 贊
皇

監生

李時望 聞
喜

人萬歷年間任

升臨縣教諭

陳嘉猷 安
肅

監生萬歷年間

任

金鳳階 平
谷

監生萬歷年間

任

楊九級 東
鹿

監生萬歷年間

任

何圖 江四川

舉人萬歷三十

六年任升六安

州知州有傳

田大仁 四川

定遠舉人萬歷

四十一年任有

傳

李宜培 河南

郊縣進士萬歷

四十三年任升

戶部主事有傳

張蒙正 山東

濟南府舉人萬

歷四十四年任

王鳳鳴 慶雲

監生萬歷年間

任

李民懷 井陘

監生萬歷年間

任

張從貴 新安

監生萬歷年間

任

安居 五台

萬歷年間任升

臨縣教諭

崔如閔 晉州

監生萬歷年間

任

楊道光 唐山

監生萬歷年間

任

天 啓 朝

任秉衡

西陝

環縣選貢天啟

元年任

馮大任

四川

嘉定進士天啟

二年任有傳

張五服

西山

沁水選貢天啟

三年任

楊惕知

廣西

鬱林舉人天啟

六年任

陳楚瓊

廣濟

舉人天啟年間

任升四川石泉

縣知縣

張煥

靈壽貢生

天啟年間任

衣袍

肅寧人天

啟年間任升衡

水縣教諭

牛冲斗

無籍

考天啟年間任

郭邦基

平安

人天啟年間任

升山西沁水縣

教諭

劉允中

阜平

人天啟年間任

崔茂仁

趙州

人天啟年間任

王紹柏

水轄

人天啟年間任

葉夢鳳

江南

人天啟年間任

崇禎朝

楊惕知
崇禎四年復任

張洪翼
山西沁水舉人崇禎四年任

黃一鶚
浙江永康選貢崇禎五年升福建延平府同知

王一鶚
高安進士崇禎五年任有傳

張幼安
山東堂邑進士崇禎八年任有傳

李之華
四川巴縣進士崇禎十二年任

張鵬翼
崇禎四年任

劉懋忠
深澤人崇禎年間任

閻嘉興
河南人崇禎年間任

萬大經
汝州人崇禎年間任

司民教
青縣人崇禎年間任

張問德
黃平舉人崇禎年間任

張鵬翼
樂亭人崇禎年間任

楊登第
安徽人崇禎年間任

桂必攀
遼東人崇禎年間任

李曰培
棗強人崇禎年間任

孟念祖
晉寧人崇禎年間任

張鵬翼
崇禎四年任

閻嘉興
河南人崇禎年間任

萬大經
汝州人崇禎年間任

司民教
青縣人崇禎年間任

張問德
黃平舉人崇禎年間任

張鵬翼
樂亭人崇禎年間任

楊登第
安徽人崇禎年間任

桂必攀
遼東人崇禎年間任

李曰培
棗強人崇禎年間任

孟念祖
晉寧人崇禎年間任

谷逢澤
棗強人崇禎年間任

楊棟
籍無考崇禎年間任

趙元信
蕭山人崇禎四年任

汪耀
休寧人崇禎年間任

張應聘
膠州人崇禎年間任

王安甯
富平人崇禎年間任

孟嘉知
華州人崇禎年間任

楊棟
籍無考崇禎年間任

趙元信
蕭山人崇禎四年任

汪耀
休寧人崇禎年間任

張應聘
膠州人崇禎年間任

王安甯
富平人崇禎年間任

孟嘉知
華州人崇禎年間任

井惠民
華州人崇禎年間任

吳僕
朝邑人崇禎年間任

谷逢澤
棗強人崇禎年間任

孟嘉知
華州人崇禎年間任

井惠民
華州人崇禎年間任

吳僕
朝邑人崇禎年間任

谷逢澤
棗強人崇禎年間任

孟嘉知
華州人崇禎年間任

井惠民
華州人崇禎年間任

吳僕
朝邑人崇禎年間任

谷逢澤
棗強人崇禎年間任

張儒

南河商邱

舉人崇禎年間任

李甲林

廣西

全州舉人崇禎十四年任

屈允直

饒陽

人崇禎年間任

李一性

邢台

人崇禎年間任

舊志有傳

羅五馬

祁縣

人崇禎年間任

常三進

湯陰

人崇禎年間任

唐虞謨

懷安

人崇禎年間任

王天寵

安肅

人崇禎年間任

朝官

清順治朝

知縣

邢孔誘

山東邱縣拔貢順治

元年任陝西延安府

同知

袁天秩

河南睢州進士順治

三年任升山東萊州府

推官有傳

蘭一元

松江貢生順治四年

任升宛平縣知縣歷官

雲南洱海道有傳

教諭

高其仁

蕪城人

張文韜

新城舉人有傳

何响

大興人

王元鼎

大興人升順天府教

授有傳

鄭選

阜城歲貢有傳

沈鵬

大興副榜

訓導

趙慎行

孟縣人順治年間任

郝際雍

涿州人順治年間任

李植

寧晉人順治年間任

楊惟棟

曲陽人順治年間任

典史

阮萬象

會稽人順治年間任

舊志有傳

張墳

平遙人順治年間任

賈應宿

陝西人順治年間任

王賢

會稽人順治年間任

舊志有傳

龍納銘

湖廣漢川進士順治

九年任歷官貴州都勻

府知府有傳

茹生榮

正定拔貢

劉景章

遵化舉人

張楷

浙江餘姚恩貢生順

治十四年任升湖廣荆

門知州舊志有傳

縱酉生

河南安陽舉人順治

十七年任舊志有傳

張洪翼

山西絳州人順治十

七年任見汪堯峰文鈔

王孫樞

籍無考順治年間任

康熙朝

黃中實 湖廣黃崗進士康熙

元年任

馬九思 遼東人康熙二年任

舊志有傳

陳永昇 遼東官生康熙七年

任

李之棟 山東平度進士康熙

九年任有傳

史在鑛 浙江會稽人康熙年

間任

包秉奎 浙江諸暨監生康熙

年間任

鄭選 康熙三年任

劉肯武 鹽山人康熙十六年

任見重修兩齋碑記

楊芳聲 萬全右衛人康熙二

十年任見楊公重修廟

學碑記

曹永著 豐潤歲貢康熙六十

一年任見重修廟學記

郭鞏固 藁城監生康熙三年

任

孫胤蕃 大名人康熙年間任

舊志有傳

陳所學 萬全左衛監生康熙

年間任舊志有傳

王宇澤 雄縣監生康熙十一

年任

徐孟龍 懷安貢生康熙六十

一年任見重修廟學記

及廣平府志

龔佳憲 浙江仁和人康熙年

間任舊志有傳

商杞 浙江會稽人康熙三

年任

程正乾 邱縣人康熙年間任

年任

王翥 陝西富平人康熙年

間任

孔尙倫 浙江山陰人康熙十

六年任

見重修兩齋碑記

陳世蔭
南平人
康熙年間任

程 陞
山陰人
康熙年間任

馬兆辰
山陰人
康熙年間任

劉德亮
正紅旗筆
帖式
康熙

年間任

高汝樽
山東萊陽
人
康熙年

間任有傳

馬 襄
籍失考
康熙六十一

年任

雍正朝

葉殿鼇

保昌舉人
雍正年間

任

李庚星

仁和廩生
雍正年間

任

周繼祖

大興人
雍正年間

見廣平府志重修廟學
記載其籍為析津

許蓮

南靖舉人
雍正年間

任

張鳳光

大埔人
雍正年間

傅基孔

靈壽拔貢
雍正年間

任見雍正十三年重修

文廟記

鄭君

失名見重修廟學記

李愈

清苑歲貢
雍正十三年

年任見重修廟學記

李玩

虞城人
雍正十三年

任

乾隆朝

傅繼孔 乾隆元年任

王玲 芮城廩生 乾隆年間任

盧浩然 江南宜興舉人 乾隆年間任

年間任有傳

梁爲經 浙江嘉應進士 乾隆年間任

年間任以上俱見府志

徐天球 乾隆十三年任 見老

官寨義學記

謝諫 籍失考

李能發 乾隆三年任 見

府學碑記有傳

李逢年 乾隆三十七年任 見

本縣公署平政堂扁額

孫顏 天津人 乾隆十七年

舉人見通志選舉表 乾隆二十年任

載 緒

張天麒 無極歲貢

馬鍵 霸州歲貢

鄭瑞麟 靜海歲貢

王興槿 開州歲貢

劉騰英 良鄉歲貢 以上見府

志任年未詳

劉捷 奉天義州 乾隆年間

任

劉文華 平陰人

朱繼宗 山陰人 廣平府志

王英偉 西寧人 以上俱見府

志任年未詳

嘉慶朝

羅宗元 四川新

乾隆五十五年任有傳

衛正 籍無考嘉慶元年任

王所舉 嘉慶五年任

丁履端 嘉慶五年十二月任

李蔚 嘉慶年間任

郭躍雲 嘉慶九年任見同知

吳翰壽序

戈廷杰 河間拔貢嘉慶十三年任

年任

王朝琳 無極拔貢嘉慶二十一年任

一年任

傅溶 嘉慶九年任見同知

吳翰壽序

黃燦 文安舉人嘉慶十八年任

年任

俞紹丞 涿州廩貢嘉慶二十年任

二年任

范振鵬 嘉慶九年任見同知

吳翰壽序

陳行曜 江夏監生嘉慶十五年任

年任

周佩孫 籍無考嘉慶二十年任

任

卷五 四十七 一北平京津印書局印

劉思恩 嘉慶九年任見同知

吳翰壽序

姜人烈 象山舉人 嘉慶十四年任

年任

于學宗 山東文登進士 嘉慶十四年十二月任

十四年十二月任

余壽 嘉慶十八年十月任

易時熙 嘉慶十八年任

張炳南 三原舉人 嘉慶十九年任

年任

冉玉行 高陽進士 嘉慶二十年任

二年任

王訓著 武清拔貢 嘉慶二十年任

二年任

馬負圖 密雲歲貢 嘉慶二十年任

三年任

李謨 籍無考嘉慶二十三年任

年任

張九德 懷安拔貢 嘉慶二十四年任以上俱見府志

四年任以上俱見府志

楊遇隆 肅寧拔貢 嘉慶二十年任

二年任

閻廷柱 良鄉舉人 嘉慶二十年任道光十年復任

三年任道光十年復任以上俱見府志

以上俱見府志

顧熙 吳縣供事 嘉慶二十年任

一年任

殷璋 籍無考嘉慶二十一年任

年任

賴文成 籍無考嘉慶二十一年任

年任

岳湘 陽湖人 嘉慶二十一年任道光三年復任以上俱見府志

上俱見府志

陳念祖 福建長樂舉人嘉慶

十九年任有傳

謝錫紹 橫州舉人嘉慶二十

二年任

鄒文倬 江南南豐舉人嘉慶

二十三年任

劉一峰 河南滑縣舉人嘉慶

二十三年任

李家言 湖南醴陵監生嘉慶

二十五年任道光二年

復任

道 光 朝

程正階 熱江舉人
道光元年任

張良志 湖北監生
道光五年任

曹 瑾 河南河內
解元道光
五年任八年復任十年
又任有傳

龔本中 道光八年任

王光鏢 道光八年任

鄭 琦 益都舉人
道光八年任

董魁點 高陽舉人
道光五年任

谷 勳 蕪縣副貢
道光五年任

岳升聞 籍無考
道光七年任

程允莊 靜海舉人
道光七年任

陳允治 青縣舉人
道光十二年任

王景錫 天津拔貢
道光十三年任

岳升聞 道光七年任
按廣平府志教諭亦有人

楊鼎文 獻縣舉人
道光十二年任

陳 佐 高陽舉人
道光十三年任

陳 蘊 文安舉人
道光十六年任

臧士醇 獻縣舉人
道光十七年任

汪鍾杰 江夏監生
道光九年任

侯用吉 金匱監生
道光九年任

沈同曾 道光十年任

黃宗敬 蓬萊監生
道光十六年任

盧純修 彭山吏員
道光十六年任

趙元章 常熟供事
道光二十二年任

蔡元禧 道光九年任

甯雲鵬 道光九年任

鄧肇元 道光九年任

秦次觀 廣西臨桂舉人 道光九年任

藜機新 道光十年二月任

陳兆祺 道光十年任

桂 荃 覺羅滿洲廂藍旗人 道光十二年任

梁振翮 正定舉人 道光二十年任

王銘訥 籍無考 道光三十年任 以上俱見府志

金汝礪 遼安歲貢 道光二十年任

馮如松 博野舉人 道光二十年任 以上俱見府志

劉澤覃 諸城監生 道光二十年任

姜澤周 黃陂監生 道光二十年任

陳 楓 山陰監生 道光二十年任

周 煦 山陰人道 光二十九年任 以上俱見府志

蕭德宣 湖北漢陽進士道光十五年任有傳

范 梁 浙江錢塘進士道光二十一年任有傳

喬綏福 湖北孝感副貢道光二十五年任

石 玠 奉天鐵嶺拔貢道光二十九年任

趙德滋 道光三十年任

鄭光 和 道光三十年任

咸豐朝

曹毓慶

籍無考咸豐元年任

曹本仁

咸豐元年任

王端卿

湖北沔陽舉人咸豐元年十二月任

李鈞善

江南上元舉人咸豐二年任八年復任

汪家勳

籍無考咸豐五年任

谷勳

籍見前咸豐元年任

顧思淳

籍無考咸豐五年任

韓統

大興廩貢咸豐五年任

張星台

武強廩貢咸豐十二年任以上俱見府志

朱思榜

東明舉人咸豐七年任見府志

王世興

錦縣監生咸豐十一年任

周煦

咸豐十一年復任以上俱見府志

沈寶桐 咸豐五年三月任

王崇昆 貴州甕安舉人咸豐

五年任

陳鳳藻 咸豐六年任

耿日棠 山東歷城監生成豐

六年任

詹作周 咸豐九年正月任

吳師郊 江甯監生成豐九年

任

沈溶 山西太原人咸豐九

年任有傳

同治朝

李呈瑞

籍無考同
治元年任

方蔭樾

江南江甯
監生同治

二年任

溥福

滿洲廂黃
旗文生同

治四年任五年復任

張延緒

錦州舉人
同治五年

任

田松元

籍無考同
治二年任

齊元慶

南皮廩貢
同治九年

任

高肯堂

雄縣廩生
同治十三

年任

李炳章

甯河副貢
同治十三

年任

谷錫麟

籍無考同
治二年任

于福澤

甯河舉人
同治二年

任以上俱見府志

李藻鏡

籍無考同
治七年任

王世興

同治七
年復任

任

崇茂

會稽監生
同治十年

任

章國祥

會稽監生
同治十一

年任以上俱見府志

光緒朝

孟丕顯 山西陽曲舉人光緒元年任

元任

王崧翰 光緒三年任

孫家錫 壽州進士光緒三年任

任

王翊宸 懷甯議叙光緒四年任

任

溥福 光緒四年復任

舒家駒 光緒七年任

年慶 滿洲正白旗官學生

光緒七年任

項寶善 密縣監生光緒八年任

任

汪丙吉 懷甯監生光緒十年任

任以上俱見府志

祝經正 蠡縣廩貢光緒十六年任

年任

周世芳 衡水廩貢光緒十六年任

年任

杜瑞 寶坻增貢光緒二十年任

年任

傅曾愷 武清廩貢光緒十九年任

年任

任寶徵 定興優貢光緒二十年任

八年三月任

曹芸田 隆平舉人光緒二十年任

八年六月任

李瀛 甯遠拔貢光緒二十年任

八年任宣統二年裁撤

沈鈞 通州增生光緒五年任

任

齊躍龍 交河歲貢光緒二十年任

任

鹿旬理 定興廩貢光緒年間任

任

劉鸞翔 大興歲貢光緒十年任

任

李體全 平谷人光緒十三年任

任

劉晉康 唐縣歲貢光緒十七年任

年任以上俱見府志

李棠 灤州拔貢光緒二十年任

八年任宣統三年裁撤

馬駿 會稽監生光緒元年任

任

張貽瑞 海豐監生光緒二十年任

任

張景黎 太谷監生光緒八年任

任

李陳錫 諸城監生光緒九年任

任

莫鼎 籍浙江光緒十四年任

任

靳嘉午 恩縣供事光緒十四年任

年任

吳鼎勳 六安監生光緒十五年任

年任二十年復任

王承先 懷甯監生光緒十八年任

年任有傳

舒家駒 光緒十年十一月復任

任

王華清 懷甯監生 光緒十一年任

年任

梅啓善 江南上元附貢 光緒十一年十二月任

馬 鉞 光緒十五年七月任

張 煥 烏程監生 光緒十五年任

張聯恩 江都監生 光緒十七年任以上俱見府志

盧聘卿 山西靈邱拔貢 光緒二十二年七月任

方鳳苞 蕭山附貢 光緒二十三年九月任 稽實訓撰 德政碑詳金石志

文 筠 籍山西光緒二十四年任

年任

常時霖 河南籍光緒二十五年任

年任

金 庚 浙江山陰人 光緒二十六年任

田嘉禾 山西汾陽供事 光緒二十六年任

何國賢 安徽定遠監生 光緒二十六年任 民國二年裁撤

何國賢 安徽定遠監生 光緒二十六年任 民國二年裁撤

何國賢 安徽定遠監生 光緒二十六年任 民國二年裁撤

李丕裕

河南孟縣
監生光緒

二十四年二月任

戚朝卿

貴州修文
進士光緒

二十四年四月任有傳

胡良駒

安徽績溪
監生光緒

二十五年正月任

孫毓琇

浙江會稽
監生光緒

二十六年五月任

黃瑩書

貴州貴筑
舉人光緒

二十六年八月任

程之翰

安徽績溪
附貢光緒

二十七年四月任

張道源

安徽合肥
軍功光緒

二十八年三月任李瀛

撰德政碑詳金石志有

傳

岳齡 蒙古正白旗進士光緒二十八年十一月任

章之澄 浙江會稽監生光緒三十年五月任

都林布 滿洲正藍旗監生光緒三十一年六月任有傳

鄭思僑 河南湯陰拔貢光緒三十二年正月任

岳齡 光緒三十二年二月復任

查厚基 海甯州監生光緒三十三年四月任

查美咸 海甯監生光緒三十二年六月任

承憲 滿洲廂白旗監生光緒三十二年六月任

緒三十三年二月任

胡玉堂

河南鄆州附貢光緒

三十三年八月任

鄭思僑

光緒三十四年五月

復任

孫家聲

壽州舉人光緒三十

四年七月任

劉 沆

浙江人宣統元年任

邱廷榮

鄆縣監生宣統元年

八月任邑人楊錦江撰

宣 統 朝

居賢舉
番禹監生
宣統三年

六月任

官

縣長

年

許子雲
江南上元
監生元年

七月任

喬培茂
任縣附生
二年八月

任

王國鐸
江西東鄉
監生三年

三月任

張書紳
杭縣監生
三年四月

任

國民元年 二年 三年

五 年 十 一 年 三 十 年 四 十 年

謝學霖

任
燕湖監生
三年九月

蔡濟襄

任
杭縣監生
五年七月

周輝遠

任
膠縣拔貢
十一年七月

月任

崔正春

山西河津
陸軍上校

十三年十一月任

毛龍章

靜海縣十
年八月任

岳再

河南汜水
縣十月任

官 緯

廣東省
十月任

年五十

年六十

董萬發

河間縣十五年三月

任

孟桂清

交河縣六月任

顧鳳儀

江蘇崑山縣十月任

劉天霖

十六年十月任

金鑑

六月任

程鍾

六月任

附管獄員表

年五十

李觀瀛 浙江餘姚縣十二月
任

按舊志載突刺木丁至正十四年任官名已漫滅不復辨識又有并人名不能辨識者邑人鈔冊中有移刺成威州刺史并未詳年月均無從列表特附誌於此又按古今宗教學派除出世間法不求名利外其餘皆不出名利範圍兩者較名似尤重流芳百代不與草木同朽大都人人心目中事雖此非儒家極致亦未始非獎進中人法范文正所謂人不好名聖人無權是也就宦績志觀之遺愛在人者大書特書另爲立傳無可紀錄者僅表中列其姓名兩者大相懸殊史家微意存焉後之覽者其亦憬然知悟哉